

## CONVENIO DE COLABORACIÓN ENTRE A AXENCIA GALEGA DE INFRAESTRUTURA E O CONCELLO DE PEREIRO DE AGUIAR PARA PROCEDER A ILUMINACIÓN DAS SENDAS PEONÍS NAS ESTRADAS AUTONÓMICAS OU-536 E OU-537

En Santiago de Compostela, na data da sinatura electrónica

### REUNIDOS

Dunha parte, María Martínez Allegue, presidenta da Axencia Galega de Infraestruturas, facultada para a formalización deste convenio polo Decreto 173/2011, do 4 de agosto, polo que se aproba o estatuto da Axencia Galega de Infraestruturas.

Doutra parte, Luis Menor Pérez, na súa condición de alcalde do Concello do Pereiro de Aguiar, actuando en virtude das facultades representativas que lle atribúe o artigo 21.1 b) da Lei 7/1985, do 2 de abril, reguladora das bases do réxime local.

Ámbalas dúas partes recoñécense na calidade en que interveñen con capacidade legal, suficiente e necesaria para o outorgamento do presente convenio de colaboración e, a tal efecto

### EXPOÑEN

**Primeiro.** As estradas autonómicas OU-536 e OU-537 constitúen importantes vías de conexión do Concello do Pereiro de Aguiar con Ourense.

Nos últimos anos, a Axencia Galega de Infraestruturas seguindo unha liña de fomento da mobilidade sostible e da circulación de peóns en condicións de seguridade e comodidade realizou varios treitos de senda peonís en estas estradas autonómicas.

**Segundo.** O alumeadado público nas estrada OU-536 e OU-537 o seu peso por Pereiro de Aguiar, está conformado por luminarias, equipadas con lámpadas de vapor de sodio de alta presión, dotados de equipos ferromagnéticos dun único nivel de consumo, de escasa potencia que xeran zonas de iluminación moi deficiente.



O Concello desexa mellorar a eficiencia enerxética no alumeadado público nas sendas peonís existentes nas estrada autonómicas OU-536 e OU-537 e propón substituír as luminarias existentes por outras novas, máis eficientes, con tecnoloxía LED e nivel de iluminación regulable e menor potencia, mantendo os niveis de iluminación esixibles para este tipo de infraestruturas.

**Terceiro.** A Axencia Galega de Infraestruturas ten entre os seus obxectivos, a mellora da rede viaria de Galicia, a ordenación do territorio e a súa cohesión, de xeito que se proporcione ás persoas usuarias unha rede eficaz, cómoda e segura, fomentando as relacións municipais e intre municipais na procura e no fomento dun desenvolvemento harmónico.

Entre os instrumentos de planificación que guían a actividade da Axencia está o Plan de Seguridade Viaria de Galicia 2022-2025, aprobado polo Consello da Xunta de Galicia de 28 de abril de 2022. O seu programa de actuación estrutúrase en retos e en accións, sendo o reto número 1 a “visión cero en usuarios vulnerables: mellora da seguridade dos peóns”. Unha mellor iluminación, na que non existan zonas en penumbra, contribúe a unha maior seguridade viaria e peonil

**Cuarto.** A nova iluminación das sendas peonís das estradas OU-536 e OU-537 afectará directamente á mellora da calidade e seguridade dos habitantes de Pereiro de Aguiar. O concello contribuirá cos seus propios recursos económicos compartindo o custe desta actuación coa Administración titular das vías.

Esa consideración de complementariedade, xunto coa necesidade dunha actuación en materia de accesibilidade e seguridade viaria, xustifican a concesión directa dunha subvención ao Concello de Pereiro de Aguiar ao abeiro do disposto no artigo 19.4 c) da Lei 9/2007, do 13 de xuño, de subvencións de Galicia.

Os convenios entre administracións públicas constitúen o elemento adecuado para desenvolver a súa cooperación en cuestións de interese común, tal e como establecen o artigo 57 da Lei 7/1985, do 2 de abril, reguladora das bases de réxime local e o artigo 198 da Lei 5/1997, do 22 de xullo, de administración local de Galicia.



Considerando a confluencia dos intereses das partes comparecentes, faise preciso artellar as bases para a óptima coordinación e así regular a colaboración nas súas actuacións. Para o fin mencionado, formalízase o presente convenio con suxeición ás seguintes

## CLÁUSULAS

### PRIMEIRA. OBXECTO

O obxecto do presente convenio é establecer as bases da colaboración técnica e económica entre a Xunta de Galicia e o Concello de Pereiro de Aguiar que permitan a iluminación das sendas que discorren paralelas á OU-536 e OU-537.

Actuación na OU-536. Instalación de vinte cinco novas luminarias LED sobre columnas de aceiro galvanizado con equipo electrónico aloxando no seu interior para o seu control.

Os centros de mando do alumeadado público existentes encóntrase en bo estado de conservación e conta con todas as proteccións necesarias para as novas instalacións.

O orzamento previsto para esta actuación ascende a 67.580,07 €.

Actuación na OU-537. Instalación de dous armarios de poliéster prensado, con tellado, ao carón do punto de acometida da instalación coa capacidade para acoller os equipos de medición e auxiliares necesarios.

Conexión a terra dos armarios de mando e control mediante a instalación de picas de aceiro-cobre e condutor unipolar.

Instalación de sesenta luminarias LED sobre columnas de aceiro galvanizado .

O orzamento previsto ascende a 190.994,28 €.

O orzamento necesario para a execución destas obras estímase en dous centos cincuenta e oito mil cincocentos setenta e catro euros con trinta e cinco céntimos **(258.574,35 €)** IVE engadido.

### SEGUNDA. REQUISITOS

De acordo co establecido no artigo 4 do Decreto 193/2011, do 6 de outubro, polo que se regulan especialidades nas subvencións ás entidades locais galegas, será requisito para a concesión desta subvención directa que o Concello de Pereiro de Aguiar cumprise co deber de remisión ao Consello de Contas da súa conta xeral.



### **TERCEIRA. COMPROMISOS DO CONCELLO DE PEREIRO DE AGUIAR**

O Concello obrígase a:

1. Redactar o proxecto de iluminación e licitar a súa contratación.
2. Achegar a cantidade de 77.572,31 €, IVE engadido, correspondente ao 30% do orzamento base de licitación, de acordo coa seguinte distribución:

ANO	IMPORTE €
2025	38.786,16
2026	38.786,15
TOTAL	77.572,31

3. Executar as obras obxecto deste convenio, previa posta a disposición polo tempo necesario para a súa execución, polo órgano correspondente da Xunta de Galicia, dos terreos necesarios. A posta a disposición quedará formalizada na correspondente acta.

A instalación realizada será titularidade do Concello de Pereiro de Aguiar que será tamén o responsable do seu subministro eléctrico e da súa conservación

4. Por mor dunha xestión dos recursos públicos eficiente o Concello de Pereiro de Aguiar asume o mantemento dos seguintes elementos das vías:

- Das franxas verdes que separan a senda peonil da calzada nas estradas, OU-536 e OU-537, no percorrido destas estradas polo concello de Pereiro de Aguiar.
- Dos aneis interiores das glorietas situadas nos puntos quilométricos 6+000 e 7+150 da OU-536 e 2+200 da OU-537.

5. Asumir as obrigas económicas que excedan do importe consignado no convenio.

6. Xestionar todos os terreos necesarios, así como a reposición de servizos e servidumes afectados non incluídos no proxecto. Así mesmo, asumirá a realización das xestións pertinentes ante os organismos que corresponda para a obtención dos permisos, licencias e autorizacións regulamentarias.



7. Consonte o establecido no artigo 27.5 da Lei 9/2007, do 13 de xuño, de subvencións de Galicia, o concello asume, na súa condición de beneficiario, a total responsabilidade da execución da actividade subvencionada fronte á administración. Tamén se compromete a establecerlle ao contratista a obriga de colaboración para o exercicio das funcións de control previstas no artigo 45 da citada lei.

8. Facilitar, se fose o caso, toda a información que lle sexa requirida pola Intervención Xeral da Comunidade Autónoma, polo Tribunal de Contas e polo Consello de Contas de Galicia no exercicio das súas funcións de fiscalización e control do destino das axudas obxecto do presente acordo.

9. Comunicar á Axencia Galega de Infraestruturas, se fose o caso, a alteración nas condicións tidas en conta para a concesión da axuda obxecto deste convenio e, en todo caso, a obtención concorrente de subvencións ou axudas outorgadas por outras administracións, entes públicos ou privados, nacionais ou internacionais para os efectos de propoñer, se procedera, a modificación das condicións establecidas neste convenio.

10. Comunicar á Axencia Galega de Infraestruturas a data de recepción das obras para os efectos de que esta envíe un representante se así o estima oportuno.

11. O concello deberá dar publicidade da obra mediante un cartel anunciador no que conste expresamente o co financiamento da Xunta de Galicia (Consellería de Vivenda e Planificación de Infraestruturas– Axencia Galega de Infraestruturas) de acordo coa imaxe corporativa oficial da Xunta de Galicia.

O anterior cartel de obras complementarase con outro situado ao seu carón coa única mensaxe "Xunta de Galicia", de acordo co seguinte deseño:



#### **CUARTA. COMPROMISOS DA AXENCIA GALEGA DE INFRAESTRUTURAS (AXI)**

A Xunta de Galicia, a través da Axencia Galega de Infraestruturas, asume o compromiso de financiar un máximo de **cento oitenta e un mil dous euros con catro céntimos (181.002,04 €)**, correspondente o 70% do orzamento, con cargo á partida orzamentaria 11.A1.512B.760.0, código de proxecto 1999-06714, dos orzamentos da Axencia Galega de Infraestruturas, de acordo coa seguinte distribución:

ANO	IMPORTE €
2025	90.501,02
2026	90.501,02
TOTAL	181.002,04

#### **QUINTA.- XUSTIFICACIÓN E PAGAMENTO.**

A xustificación dos gastos e o seu pagamento realizarase nos termos establecidos na Lei 9/2007, do 13 de xuño, de subvencións de Galicia, no Decreto 11/2009, do 8 de xaneiro, polo que se aproba o Regulamento da citada Lei, e no Decreto 193/2011, do 6 de outubro, polo que se regulan as especialidades nas subvencións ás entidades locais galegas.

Segundo o establecido no artigo 62 do Decreto 11/2009, do 8 de xaneiro, polo que se aproba o Regulamento da Lei 9/2007, do 13 de xuño, de subvencións de Galicia, poderán realizarse pagamentos a conta, que responderán ao ritmo de execución da acción subvencionada. Estes pagamentos aboaranse por contía equivalente á xustificación presentada, ata un máximo do 80% da porcentaxe subvencionada correspondente aos pagamentos xustificados, sen exceder da anualidade prevista en cada exercicio orzamentario.

O Concello de Pereiro de Aguiar xustificará a subvención mediante a presentación da seguinte documentación:

1. Certificación da intervención ou do órgano que ten atribuídas as facultades de control da toma de razón en contabilidade do gasto realizado e do cumprimento da finalidade para a que foi concedida.



2. Certificación expedida pola secretaría da entidade local, co visto e prace do alcalde, relativa á aprobación polo órgano competente da conta xustificativa da subvención na que se faga constar, como mínimo, de forma detallada:

- O cumprimento da finalidade da subvención.
- Os gastos totais imputables á actuación subvencionada, coa identificación do acredor/a, número de factura, data de emisión e data de recoñecemento da obriga polo órgano competente.
- Os documentos acreditativos dos gastos realizados con recursos propios.
- Unha relación detallada doutros ingresos ou subvencións que financiasen a actividade subvencionada, coa indicación do importe e a súa procedencia, de ser o caso.
- Acreditación do cumprimento das obrigas tributarias, coa Seguridade Social, e de non ter pendente de pagamento débedas coa administración pública da comunidade autónoma de conformidade co establecido nos artigos 10 e 11 do Decreto 11/2009, do 8 de xaneiro, polo que se aproba o Regulamento da Lei 9/2007, do 13 de xuño, de subvencións de Galicia.
- Declaración responsable da obtención doutras subvencións, axudas, ingresos ou recursos que financien as actuacións subvencionadas.
- Mostra fotográfica da publicidade da subvención e das obras realizadas, segundo o establecido na cláusula terceira do convenio.

Serán subvencionables os gastos de execución das obras realizados durante o anos 2025 e 2026. A data límite para a xustificación destes gastos é o 10 de decembro de cada ano.

O pagamento realizarase pola parte proporcional da contía da axuda efectivamente xustificada, calculada en función da porcentaxes subvencionadas por cada unha das administracións participantes sobre o custo total da actividade.

De conformidade co establecido no artigo 3.1 do Decreto 193/2011, do 6 de outubro, polo que se regulan especialidades nas subvencións as entidades locais galegas, unha vez que se efectúen os libramentos por parte da Axencia Galega de Infraestruturas a favor do Concello de Pereiro de Aguiar, este deberá acreditar documentalmente a efectividade dos pagamentos realizados no prazo máximo de sesenta días naturais contados a partir do ingreso na conta bancaria da beneficiaria de cada un dos aboamentos da subvención concedida.



#### **SEXTA.- SEGUIMIENTO E CONTROL.**

Para o seguimento, control e avaliación de cantas dúbidas poidan xurdir na aplicación do convenio constituirase unha comisión de seguimento, coa participación dun representante da Axencia Galega de Infraestruturas e dun representante do Concello de Pereiro de Aguiar.

A comisión poderase reunir as veces que se estime oportunas para o cumprimento do convenio. En todo caso, a solución das incidencias que poidan xurdir estará condicionada polas limitacións orzamentarias incluídas na cláusula cuarta.

As cuestións litixiosas xurdidas da interpretación, desenvolvemento e aplicación do convenio serán resoltas pola Axencia Galega de Infraestruturas, poñendo os seus acordos fin á vía administrativa. Contra estes acordos poderase interpoñer recurso contencioso-administrativo ante o Tribunal Superior de Xustiza de Galicia, de conformidade co disposto na Lei 29/1998, do 13 de xullo, reguladora da xurisdición contencioso-administrativa.

#### **SÉTIMA. - NATUREZA DO CONVENIO.**

Este convenio ten natureza administrativa, rexéndose polas cláusulas que nel se establecen e, no seu defecto, polo regulado na Lei 9/2007, do 13 de xuño, de subvencións de Galicia, no Decreto 11/2009, do 8 de xaneiro, polo que se aproba o Regulamento da lei de subvencións de Galicia e na Lei 38/2003, do 17 novembro, xeral de subvencións e demais normas de procedente aplicación.

#### **OITAVA.- COMPATIBILIDADE.**

Esta axuda é compatible coa obtención doutras subvencións, axudas, ingresos ou recursos doutras entidades para a mesma finalidade procedentes de calquera Administración ou entes públicos ou privados, nacionais, da Unión Europea ou de organismos internacionais, sempre que a contía total das axudas non supere o 100% do importe da actividade subvencionada. No caso de que a subvención concedida supere, illadamente ou en concorrencia con outras, o custo da actividade para a que foi concedida a subvención, descontarase o exceso obtido sobre o citado custo.

#### **NOVENA- REVOGACIÓN, REINTEGRO E RESOLUCIÓN.**

A axuda concedida ao amparo deste convenio poderá ser obxecto de revogación ou reintegro, xunto cos xuros de demora, cando concorran as circunstancias previstas nos artigos 32 e 33 da



Lei 9/2007, do 13 de xuño, de subvencións de Galicia, nos artigos 74 e seguintes do Decreto 11/2009, do 8 de xaneiro, polo que se aproba o Regulamento da lei de subvencións de Galicia e na Lei 38/2003, do 17 novembro, xeral de subvencións.

Será causa de reintegro total o incumprimento das obrigas establecidas para o concello nas cláusulas deste convenio.

En todo caso, será causa de extinción deste convenio a inviabilidade da realización da actuación por causas non imputables ás partes. Así mesmo, será causa de extinción a denuncia por causas de interese público a instancia de calquera das partes asinantes.

#### **DÉCIMA.- PUBLICIDADE.**

A sinatura deste convenio suporá o consentimento expreso das partes asinantes para incluír e facer públicos os datos persoais que consten no convenio, e mailo resto de especificacións contidas no mesmo, de conformidade co artigo 15 da Lei 1/2016, do 18 de xaneiro, de transparencia e bo goberno (DOG nº 30 do 15 de febreiro) e o Decreto 126/2006, do 20 de xullo polo que se regula o rexistro de convenios da Xunta de Galicia (DOG nº 149 do 3 de agosto).

Así mesmo, en cumprimento do disposto no artigo 20 da Lei 38/2003, do 17 de novembro, xeral de subvencións, a información requirida será comunicada á Base de Datos Nacional de Subvencións (BDNS)

#### **UNDÉCIMA.- VIXENCIA DO CONVENIO.**

Este convenio terá vixencia dende a súa sinatura ata o 31 de decembro de 2026 e financiará os gastos realizados dende o 1 de xaneiro de 2025 nas condicións establecidas na cláusula quinta.

E para que así conste, en proba de conformidade coas cláusulas deste convenio, as partes asinan electronicamente este documento

*A presidenta da Axencia Galega de Infraestruturas, María Martínez Allegue*

*O alcalde do Concello de Pereiro de Aguiar, Luis Menor Pérez*

